

10



na cai

anuncios >>

mias>> con RadioSele

Mocedá d'Izquierda Asturiana participó na concentración del pasáu viernes 20 de mayu delante la Xunta Xeneral, convocada por Radio Sele y la Xunta pola defensa de la Llingua Asturiana, pa pidir el desbloquéu de la llicencia comercial de Radio Sele.



mias>> volvió a denunciar el robu que ta careciendo Radio Sele, criticando otra vegada la política antiasturiana d'esti gobiernu, que sigue amosando a les clares la nula intención de dar nengún pasu alantre pa qu'Asturies tenga unos medios de comunicación dignos, imparciales, que puedan espresase na llingua que quieran y que representen a la población d'esti país.

NON AL ROBU A RADIO SELE

mias>> nos actos del 25 de mayu

Mocedá d'Izquierda Asturiana participó esta selmana nos actos entamados por IAS en conmemoración del Aniversariu de la Revolución del 25 de mayu de 1808, nel que la Xunta Xeneral declaró la soberanía d'Asturies durante la invasión francesa.



El primer actu foi'l 24 de mayu, Faustino Zapico dió una charra entitulada *La Revolución de mayu de 1808* (o

l'anicu de la historia contemporánea d'Asturies).

El 25 de mayu celebróse la tradicional ofrenda d'un ramu de lloréu na Corrada del Obispu d'Uviéu n'homenaxe a los revolucionarios de 1808.

El día 26 finaron los actos cola entrega del I Premiu 25 de Mayu a la Cordinadora Ecoloxista d'Asturies nuna cena, que cuntó cola asistencia del portavoz d'IAS Ignaciú Llope y del miembru de la dirección nacional y historiador Faustino Zapico.

mias>> quixo estos díes tar con IAS pa homenaxear a los revolucionarios de 1808 que llucharon por una Asturies soberana.

Na cai escontra la tauromaquia

Mocedá d'Izquierda Asturiana tuvo presente na concentración convocada pola asociación en defensa de los animales ANADEL (con quien entamemos una rrellación d'amistanza qu'aguardamos dea frutos nesta llucha), el domingu 28 de mayu na plaza toros d'Uviéu. La nuesa presencia nesta convocatoria enmárcase na campaña que yá entamemos escontra la tauromaquia n'Asturies va unes selmanes col aniciu de la pegada carteles refugando esta práctica violenta y xabaz.



Llamando a la oposición énte la tauromaquia, mias>> anuncia que va tar na cai llevando la so voz y reflexón sobre estos actos y animando a que tola mocedá asturiano seya a movilizase escontra esta xabaz y sangrina práctica.

Nin Asturies, nin nenyures.
¡Valió de tauromaquia!

¡Non a la nueva reforma llaboral!

Depués de cerca dos años de negociaciones cuasi secretes ente'l gobiernu, la patronal y les direcciones sindicales de CCOO y UGT, algamóse l'alcuertu pa la meyora del crecimientu y del emplegu.

Cueye una parte importante de les reivindicaciones patronales y ye un nuevu exemplu del fracasu de la estratexa sindical desendolcada nestos años, que tien a la negociación y al pactu como una fin en sí mesma, independientemente de los resultaos consiguiós. Esta reforma ye un nuevu ataque a les nueses condiciones de vida porque:

1. Nun va menguar la precariedá llaboral porque van seguir vixentes los trabayos temporales.
2. Abarata'l despidu, al traviés de la recuperación y estensión del contratu fixu con despidu baratu (33 díes per añu y un tope de 24 mensualidaes, en cuentes de los 45 díes y 42 mensualidaes del contratu indefiníu ordinariu).
3. Tresvasa recursos económicos descomanaos a la patronal per dos vías: les bonificaciones y la mengua de cotizaciones.
4. Nun va amenorgar la rotación nel emplegu porque nun va afeutar a los actuales 5 millones de contratos temporales, nin tampoco a los contratos formativos de relevu ya interinidad y el tope de dos años que puedes tar contratada o contratáu temporalmente durante 30 meses ye mui fácil de burllar pol empresariáu. Y si tovía asina nun-yos queda otro que facete fixa/u, vas selo con un despidu más baratu.
5. Sigue allongándose y favoreciéndose la contratación per aciú les ETT's porque enancha'l so ámbitu d'actuación.

Mocedá d'Izquierda Asturiana quier facer un llamáu a la mocedá d'Asturies a nun almitir nin una sola falta más de respetu en cuantes al dolorosu tema de la emigración, nin aceptar puestos de trabayu qu'atenten frontalmente colos derechos humanos más básicos, afalando a la denuncia, la movilización, la llucha.

IAS va presentase a les elecciones de 2007

La Dirección Nacional d'Izquierda Asturiana, siguiendo'l mandáu del VI ALCUENTRU NACIONAL del partíu fechu'l mes de xineru, decidió na so última reunión ordinaria iguar darréu una **dinámica de trabayu** para



encarar la próxima **cita electoral** que va a tener llugar en **mayu de 2007** nes mejores condiciones posibles tanto para la fuercia política como pal proyectu que representa.

Pa ello dende la Dirección Nacional decidióse entamar una comisión electoral coordinada por **Carlos Fernández Fuente** y presidida pol **Secretariu d'Acción Política** y que va contar con representantes de les distintes agrupaciones d'Izquierda Asturiana.

llibertaes >>

Solidariedá con Cambalache y Calecer

Mocedá d'Izquierda Asturiana participó na concentración convocada por **Cambalache y CALECER** escontra la represión y les agresiones fascistes. Tres de lo sucedió l'otru 12 de mayu, **mias>>** amosó'l so sofitu y solidariedá coles asociaciones que foron víctimes del ataque fascista:



Dende **Izquierda Asturiana** y **Mocedá d'Izquierda Asturiana** queremos facevos llegar l'abrazu candial de les moces y mozos, muyeres y homes, qu'integren les nueses organizaciones. Recibimos apavoriaes/os l'anuncia del **ataque fascista** que sufrió'l vuesu llar esti vienres día 12 cuando se desendolcaba nél una charra-debate sobre la represión y los movimientos sociales. Al enteranos, celebremos la **reaición rápida** de les persones que taben asistiendo al actu y que permitió que **nun hubiera xente firío**.

Condenamos radicalmente l'aición terrorista y amosamos el nuesu esmolecimientu énte lo que

paez una presencia mayor y unes **apaiciones** cada vuelta más frecuentes de **grupos fascistes** que como aquél quixerón y quieren mancar física, material y psicolóxicamente a la sociedá civil en xeneral y a los colectivos alternativos, independientes y d'izquierda, en particular.

Namás mos queda ufrivos el nuesu **sofitu sinceru** y **permanente**, y apurrivos una mano nesti momentu difícil por demás, asina como **felicítavos** poles **iniciatives** que lleváis a cau de contínuo y qu'arriquecen enforma'l panorama socio-políticu del nuesu país, **contribuyendo al debate, la reflexón y l'aición**. **IAS** y **mias>>** quieren d'esta manera solidarizase con **Cambalache** y **CALECER** y la xente que n'Asturies apuesta pola **xusticia social**, por otra forma de facer política dende la cai.

Un saludu y la nuesa solidariedá.

mias>> escontra la represión del RIDEA

Mocedá d'Izquierda Asturiana tuvo na concentración convocada pola **Xunta Pola defensa de la Llingua Asturiana** a la puerta l'Auditoriu d'Uviéu, énte la negación del RIDEA (Real Institutu d'Estudios ¿Asturianos?) d'almitir una ponencia por tar redactada n'asturianu.



mias>> sofitó la convocatoria aportando la so presencia y alvirtiendo de la gravedá d'esti fechu represivu entamáu por una organización, qu'hai que recordar, depende del gobiernu asturianu. Una vegada más, les moces y los mozos de **mias>>** tuvieron al par de **La Pita** y de la so organización, la **Xunta**, en solidariedá, nesta ocasión, cola xente que tuvo de retirar les sos ponencies.

Pa **mias>>**, esta nueva **represión** vuelve demostrar que, sin **oficialidá**, les y los que n'esti país utilizamos la llingua asturiana somos *ciudadanos de segunda*,

que sigamos sin poder espresanos con llibertá na nuesa llingua, y que cada día sufrimos agresiones más sangrines contra los nuegos **derechos fundamentales**.

Poru, **Mocedá d'Izquierda Asturiana** vuelve desixir, (aguardando que seya per vez cabera) l'estatus d'**oficialidá pa la llingua asturiana**, el que merez y precisa nel enfotu de tornar la so desapaición dafechu.

**Ye una cuestión de respetu.
La oficialidá Sí ye posible**

internacional >>

Acuerdu ente Chobenalla y mias>>

Nestos díes **Mocedá d'Izquierda Asturiana**, reunióse con representantes de **Chobenalla Aragonesista** p'acabar de firmar un pactu de collaboración ente dambes organizaciones de mocedá.



L'oxetivu d'esti acuerdu ye potenciar una **comunicación continua** para una actuación conxunta nos temas qu'afecten a la **mocedá de dambes naciones**. El primer comunicáu conxuntu trata sobre les **Selecciones Nacionales**, tema que col motivu del mundial tan tratando dende Euskal Herria, **Gazte Abertzaleak**, reflexando la so opinión na web www.mundial.org

Les publicaciones de dambes organizaciones serán publicaes nun blog conxuntu col nome d'**ARAST, Aragón y Asturias**, cuya direcció ye www.arast.net, onde tamién podeis topar tol material, campañes que faigamos, amás d'enllaces y más información tanto de **Chobenalla Aragonesista** como de **Mocedá d'Izquierda Asturiana**.

www.arast.net
www.chobenalla.org
www.ias.as/mias

ecoloxía >>

IAS/mias>> nel día del mediu ambiente

Ignaci Llope, portavoz d'**Izquierda Asturiana**, criticó'l nulu compromisu del gobiernu asturianu na defensa del mediu ambiente con motivu de la celebración el llunes 5 de xunu, del Día Internacional del Mediu Ambiente. Pal portavoz d'**Izquierda Asturiana** "*el gobiernu de PSOE-IU-BPA engaña a la sociedá asturiano emplegando una imaxe verde, cuando en realidá l'aición que se fai ye negra*".

Dende 1972 vien celebrándose'l **Día Mundial del Mediu Ambiente**, nel qu'abonden actos institucionales, firmes d'acuerdos, empecipiú de campañes, esposiciones, grandes retos y bones palabres sobre manera. Pese a too ello, 34 años depués, esta ye una sociedá mal educao ambientalmente. Nesti sen, quien primero tien que dar exemplu y abrir el camín pa que'l respetu al mediu ambiente se convierta nuna constante son aquellos que tienen la responsabilidad de gobiernu, y eso n'**Asturies** relluma pola so ausencia.

Xixón mejor ensin Muselón

La postura de la formación asturianista básase nun **informe** presentáu nuna **xornada técnica** qu'entamó l'Asociación d'Inxenieros Navales y Oceánicos d'España onde s'espunxo que'l tráficu de contenedores n'El Musel cayó un 73% nos últimos seis años.



En palabres del portavoz d'**IAS Xixón, Pablo Rodríguez**, "*cundo un gobiernu va facer una inversión*

de 580 millones d'euros, que ye'l costu del Superpuertu, tien que xustificiar, esplicar y presentar el proyectu d'una manera bien clara, pa que los ciudadanos nun tengan la sensación de que tea esbardialándose'l so dineru y que tanto gobiernu municipal como asturianu nun tienen un proyectu pa Xixón nin p'Asturies". Pa **Izquierda Asturiana** y **Mocedá d'Izquierda Asturiana** esto ye precisamente lo que ta ocurriendo cola obra d'ampliación del puertu d'El Musel.

trabayu >>

mias>> denuncia la precariedá llaboral

Pasada yá mui bien la metada de la llexislatura del gobiernu asturianu actual, dende **Mocedá d'Izquierda Asturiana** queremos **denunciar la inesistencia de polítiques actives destinaes a xenerar emplegu mozo de calidá acceptable** n'Asturies.

Según apuntó'l **responsable de Polítiques de Desendolcu de mias>>**, l'economista, **Carlos Fernández Fuente**: "*col gobiernu de la supuesta izquierda plural a la mocedá nun se nos tan dando mayores alternatives que con otros anteriores, el de la mayoría del PSOE, o'l del lliberalista Sergio Marqués*".

Mocedá d'Izquierda Asturiana quier facer un llamáu a la **mocedá d'Asturies** a nun almitir nin una sola falta más de **respetu en cuantes al dolorosu tema de la emigración, nin aceptar puestos de trabayu qu'atenen frontalmente colos derechos humanos más básicos, afalando a la denuncia, la movilización, la llucha**.

cultura >>

XX Aniversariu de Dixeбра

Mocedá d'Izquierda Asturiana fizo llegar estes lletres como agradecimientu y felicitación por venti años de música, de llucha polos ideales de la esquierda, del movimientu nacionalista asturianu y de recuperación de la llingua y cultura tradicionales d'Asturies:

Collacios dixebriegos,

Dende Izquierda Asturiana y Mucedá d'Izquierda Asturiana facémosvos llegar estes llinies col envís de felicítavos pol vuestru XX Aniversariu que va festexase n'Avilés esta fin de selmana.

Dixebra ye, dende l'entamu, un finxu n'Asturies na defensa y dignificación de la nuesa llingua y un grupu pioneru nel emplegu d'instrumentos tradicionales asturianos nel panorama rock, lo que vos convierte nún grupu imprescindible pa entender la escena musical asturiana y semiente d'una bona montonera de grupos con marca de la casa.

El compromisu social de les vuestres lletres y l'emplegu únicu de la llingua asturiana ye la bas de Dixebra, compromisu que trespasa les llendes de los propios cantares y tradúzse nel contínuu sofitu y militancia colos movimientos sociales y activistes d'estremaos ámbitos, como pue vese na riestra d'actuaciones y collaboraciones solidaries y desinteresáes nestes dos décadas de reivindicación musical.

Asina, podemos topar nel repertoriu de Dixebra cantares sofitando la reivindicación d'oficialidá pa la llingua asturiana - "La danza", "Tolos cartelos", "Tía Nemesia"- reivindicando la defensa del mediu ambiente y la ecoloxía -"Salvái les foques", "Asturalia"-, el compromisu cola llucha obrera, l'internacionalismu y la solidariedá cola emigración - "Indios", "Nun llores", "El vieyu combatiente", "Si vienes"-, y un compromisu total col proyeutu de construcción nacional d'Asturies dende la esquierda "Pallabres vieyes", "Esto ye Asturies", "Da-yos caña"...

Estos valores fueron y siguen siendo les bandes sonores de la nuestra llucha diaria por una Asturies y un Planeta meyores y, como a Xune, entá nos queden munches coses por glayar y por facer... ¡esto nun foi más que l'entamu!



finxu n'Asturies na defensa y dignificación de la nuesa llingua y un grupu pioneru nel emplegu d'instrumentos tradicionales

Que Dixebra siga ximieliendo a los mozos y non tan mozos dempués de tou esti tiempu siempre va ser una bona noticia, poro, dende Izquierda Asturiana y Mucedá d'Izquierda Asturiana queremos facevos llegar estes lletres como agradecimientu y felicitación por veinte años de llucha polos ideales de la esquierda, del movimientu nacionalista asturianu y de recuperación de la llingua y cultura tradicionales d'Asturies.

¡Salú y dixebra!

Derramidea

mias>>/cen ta convidaes a participar nel **Derramidea**, muestra cultural y social que se celebra con motivu del festival **Derrame Rock**. El CMPA adquirió un espaciu que pon a disposición de les entidaes miembru interesaes pa qu'esparden **materiales**, muestren les sos **actividaes**, vendan los sos **productos**, etc.

xusticia social>>

mias>> llama a seguir na llucha nel 17 mayu



tresfobia y homofobia

Mucedá d'Izquierda Asturiana, sumóse a la **vindicación d'esti día faciendo un**

llamáu a la participación nes actividaes de llucha y reflexón programaes pa la xornada y amosando, como dende'l nuesu entamu, que la consecución de los derechos, y poro, la xusticia pal colectivu GLTB, ye pa nós un finxu fundamental.

enseñu >>

mias>> demanda menos publicidá y más fechos

La organización de mucedá vinculada al partíu **Izquierda Asturiana, Mucedá d'Izquierda Asturiana** pidió al gobiernu asturianu y a la Consejería d'Educación y Ciencia más **fechos reales** no que cinca a la presencia de l'asignatura de llingua asturiana nos centros educativos.

Paula Montes, portavoz de la **Estaya d'Enseñu y Cultura de mias>>** aprovechó pa **desixir la voluntariedá** de l'asignatura porque *"la fórmula actual d'optatividá qu'emplega Educación condena a l'asignatura a **competir con otres coles que nun tien por qué ser incompatible, polo que, otra vuelta, torna a poner a la llingua asturiana nel requexu de los castigaos.**"*

que ye mias>>?

Somos un grupu de **xente mozo** que facemos por esparder una **conciencia crítica** colo que nos arrodiada dende una perspectiva **asturiana y d'izquierda**. La **Ecoloxía**, la **Xusticia Social** y l'**Asturianismu** son les exes de la nuestra actividá. Actividá que tien de ser fecha **por y pa la mucedá asturiano**, amosando que n'Asturies somos munches/os les/os que nun tamos d'alcuerdu col **modelu actual**, que nun vemos con bonos güeyos **"l'autonomía" ruina y emprestada** que nos "regala" l'estáu español, que nun



asumimos como igua al nuestro futuru la **emigración** obligada, nin la explotación de los **trabayos basura**. Que nun callamos frente a la **discriminación sexista** que les moces tamos careciendo, nin a la implantación cuasi colonial de **multinacionales**, nin al esfarrape del nuestro **mediu ambiente**...

Trabayamos pa da-y al nuestro país **otra traza**, otu sentir. Queremos una Asturies **respetuosa col mediu, ensin xéneros**, que s'enfrente a la globalización del beneficiu pa cuatro, pa **mundializar los derechos sociales y llaborales**. Una Asturies arguyosa de la so **identidá**, del so valir **cultural y llingüísticu**, una **Asturies soberana**, dueña del so futuru y qu'apueste pola **democracia participativa** con una ciudadanía protagonista de les decisiones que-y afecten. Una **Asturies llibre**, onde la **opción sexual** nun seya torga pal desenvolvimientu social.

Queremos ser la mucedá que faiga por **otra Asturies**, l'Asturies de la xusticia y de la llibertá. **Ente toes y toos** vamos construyir l'**Asturies que vien**.

participa>>

Mucedá d'Izquierda Asturiana

www.ias.as/mias >> mias@ias.as
Primo de Rivera, 1, Oficina 9. 33001 Uviéu.